



21. juli 2016

Inatsisartuni suleriaasianni § 37 naapertorlugu Naalackersuisunut imaattumik apeqquteqarpunga.

Naalackersuisunut apeqqutit:

1. Niaqunngunami Seqimi Oliviinnisiorfiup suliffeqarfiup ingerlatitsisorisimasaanik allaniilluunniit ammaaqittoqarniarneranik, Naalackersuisut saaffigineqarsimanerlutik ilisimasaqarnerlutilluunniit?

2. Seqimi sulisut namminneerlutik nunniorlutik talittarfiliornikuupput 200 m. miss. takissuseqartumik atorluarneqaqqissinnaasumillu. Paaserusuppara Naalackersuisut aatsitassarsiorfinniik allaniit saaffigineqarsimanersut, atuinissamik attartornissamilluunniit soqutiginnittunik?

3. Ilimaneqarpoq Maniitsup eqqaani 2.985 kvadrat km-mik nunaminertamik nikkelimik piiaffinngorsinnaasumik misissuinerit isumalluarnaqisumillu "NORTH AMERICAN NICKEL"-imiit ingerlanneqarput. Taakkulu talittarfiusinnaasumik umiarsualiviusinnaasumilluunniit ujarlerput, taakkulu apeqqummut 2-mut attartornissamut akuersissumik qinnuteqarsimanersut paaserusuppara?

4. Apeqqummi 3-mi qinnuteqartoqarsimappat, itigartitsisoqarsimassappallu suna Naalackersuisuni tunngavilersuutigineqarnersoq paaserusuppara?

(Inatsisartuni ilaasortaq Siverth K. Heilmann, Atassut)

Tunngavilersuut:

Ungasinngitsumi Maniitsup illoqarfiani "North American Nickel" inc. Canadamiut suliffeqarfiutaanniit, aatsitassanik annertuumik pitsaassusilimmik nikkelifalimmik kobberitalimmik sulfiditalimmik ujaasinermik ineriartortitsinermillu imaqartumik paasissutissiisoqarnera soqutiginaqisoq malinnaavigaara.

Tamatta suliffissat aningaasarsiorfissanillu ataavartumik pilersitsiniarnermik soqutigisaqaratta, qulaani Naalackersuisunut apeqquteqaateqarnissannut pissutissaqartilerpaanga, soorunami aamma neriuutigalugu, Naalackersuisut apeqquteqaatigisama saniatigut, allanik paasissutissiisinnaajumaartut.

Neriuutigalugu ullut qulit suliffiusut iluanni akissuterqarfigineqarumaarlunga.